


聊城縣志



續修縣志

宣統二年
冬月付梓

續修聊城縣志序

縣志一書所以補史乘所不及而備輶軒之采擇者故易曰先王以省方觀民設教禮曰入其國其教可知也聊城爲古齊郡地當南北通衢其間疆域之沿革戶口之多寡風俗之純駁賦役之重輕官斯土者與有責焉舊志修於

國朝康熙甲辰迄於同治乙丑垂二百餘年軍興以來練勇籌餉百務殷繁迨同治七年削平捻逆東境肅清諸紳耆襄辦善後事宜未暇從事編輯歷今又逾四十年矣陵谷變遷老成凋謝舊聞軼事多無有能稱道之者光緒庚子以來

聊城縣志

序

一

朝廷銳意變法力行新政往歲省城設通志局長吏檄各屬重修志書用資編纂時漢軍豫君幼竹宰是邑見舊志書板漫漶殘缺已甚稔知邑人葉雲臺學博家藏續藁購求得之思續成此志旋豫君以升任去不果成余忝斯任深懼不克擔荷爰請紳耆悉心商榷而秉筆者則首推靳約齊學博起例發凡一遵舊志大綱十二細目七十有五較舊志暨葉稿加詳仿通志例也夫時會遷移一瞬萬狀文明日進月異而歲不同故新猷頒布如巡警郵政電報學堂凡本邑所舉行者均附各

志之末俾觀風者入境問俗煥然特增一新氣象則誠
余之所厚望也是役也維始於光緒丙午閱四載而告
成將付剞劂在事諸君子問序於余余素謏陋又以簿
書坐困學殖久荒辭不獲已因誌其巔末如此時

宣統二年歲次庚戌冬月知聊城縣事泉塘陳慶蕃謹
敘

葉稿自敘

續修與創修不同創本自定體例要必出乎嚴續則接述前言原不妨於寬康熙二年舊志何邑侯纂修傅相國朱任兩尚書鑒定俱有序無論體例何如在重修者踵而增之勿輕更易方是續述之本懷咸豐甲寅余客睢陵將捧檄之苑城時楊至堂先生開府袁江劉漁村同年來自厯下爰往小聚同流連節轅者十日譚次間念先君子嘗及邑乘與其並侍在側往往舉一人述一事卽一文一詩靡不召令手錄以備入志今往矣追憶曩聞未敢一日去諸懷漁村有史才取則不遠幸卽勉

聊城縣志

序

一

爲之詎知此別不旋踵而落落如晨星之散也余旣茫無意緒亦遂置之辛酉退而歸里掃除舊塾因取家藏舊志悉心檢閱參之舊新郡志凡有舊志以後所未載續之郡志甫修所尙缺補之不敢遽謂成先志也顧余謹遵所聞與二三同好商確所以續述舊志者得留此本其不足爲後人取裁之助也乎用敢附數語於後同治四年乙丑冬至日邑人葉錫麟自記時年七十有五雲台先生淵源家學爲邑名宿晚歲由高苑學博致仕歸里續輯聊城志稿若干卷成先志也溯舊志修於康熙甲辰去先生之世已歷十有五紀迄今且二

百四十餘年其間人事代謝風化攸殊凡夫河運之不通漕糧之改折科場之廢棄新政之迭興皆爲舊志所不載而先生未之見也茲者踵而成書於所缺者補之畧者詳之雖不免竊附己意而增乎其所得不增易乎其所不得不易是則所以續先生之志亦卽所以成先生之志也編定用附數語以誌緣起宣統紀元冬月鄉後學靳維熙謹識

舊志韓序

聊城縣志志聊城也今之邑卽古之國今之志卽古之史國必有史邑可無志乎不肖丙戌承乏斯土首以志詢咸曰聊爲附郭無專志也因竊歎曰典籍大備宣子識周禮之在魯文獻不足夫子慨杞宋之無徵志於地方其關係爲何如者卽欲纂修以鏡得失昭鑒戒適時值末流且有潢池之警弗暇及也不肖視聊篆業已三年於此矣險阻艱難其備嘗之民之情僞其盡知之想巢父牧犢之遺意慕仲連射書之高風廼於政暇薈萃成編因攜詣學輒與師生共討論焉僉曰是可志也刪

聊城縣志

序

三

潤者學博任其責校閱者諸生分其事每至各出一說不肖未嘗不從而折衷也第才謝三長殊難創始其曰志略云者亦以見事有所未備見有所不及姑且藉是以塞責已耳命工繕寫付劄劄氏鈐梓以行諸費悉捐俸餘毫無所取於民知我罪我其在斯編也夫其在斯編也夫萬曆十七年歲次己丑知聊城縣事涇陽韓子廉撰

舊志何序

聊城爲東郡之附郭形勝則北拱 神京而東聯秦岱人物則帝邱普濟而名相挺生官斯土者亦往往多臆

舉之英賢載在志乘可欽可慕余初握聊篆博考舊章
得所爲志略者分上下二卷爲韓公子廉所纂修斷自
萬曆十七年止其綱凡七日凡三十九雖曰略之云乎
而未始不各類俱備及徧觀東昌府志綱且分爲二十
有倫有要媿美漢書輒不禁追跡之思而所載之事較
之縣志又多十年則七十年來無繼起而修之者抑誰
氏之責哉夫天下當鼎革之後風土人情幾不可問地
腴者荒風朴者詐賦煩役重官竄民瘠而聊城猶得古
初之意不至於大壞不可收拾者豈非先正之典型尙
在 新朝之甲第疊興道學既有源流風俗未有不相

觀而不變者則此志之不可不亟修理也勢也顧捐資
必須大眾而采書全仗名流知大人君子先生蚤有鑒
裁不怯囊橐共成巨刻余當竭力爲之以續我涇陽韓
子之後大清康熙二年歲次癸卯初夏望吉知聊城事
涇陽何一傑修纂

舊志傳序

余嘗讀中秘所藏職方輿地圖知帝王大一統之模不
可淺見寡聞窺也首之以京畿十三省中之以邊鎮終
之以川海江山河嶽漕黃馬政朝貢各有圖說各有方
略蓋直舉魏俊民等所上之形勢驛站桂萼之詳四方

阨塞政俗善敗之故羅洪先之計里畫方胡松之增表
唐虞以下大都會若春秋而降會盟征伐之所悉歸標
列卽細至整軍占驗憑限戶口不遺焉輒不禁歎爲地
理家第一書余旣生長東昌曾不能舉一府之故實爲
後人示則傲豈不見笑於大方之家也哉然亦嘗參攷
東昌之志矣其書爲泓陽王公所定不溢美不妄傳每
一敘論多咨嗟傲惕之詞卓哉先輩之典型乎已而搜
求聊城舊志則僅寥寥二卷分爲方域建置賦役官守
人物藝文名之曰略誠哉其略也乃欲一旦而詳之則
戛戛乎其難言何者心靈法天實學法地千萬世不改

封山濬川之禹貢亦千萬人難掩華袞斧鉞之春秋夫
婦可以與知荐紳反難措手當鼎革兵火之後冊籍多
亡况夙夜在朝數年鄉風頗變床第養病諮訪維稀幸
逢涇陽何父母來主縣政慈仁性秉練達學成撫舊志
之止於萬厯十有五年修之者知縣韓公亦涇陽人氏
屈指計之已七十載此七十載中鄉團何以散而併風
俗何以醇而巧古蹟形勝何以存而荒城池何以堅守
而獨不懼大難官署何以姑爲補葺倉場虛而舖舍頽
也坊牌淪而戶口凋也天下多故先其急者物力已竭
是救時之不得不然者而最不可一言盡無如賦役二

事萬厯末有新餉之加天啟崇正閒有勦餉練餉之加徭車日起民兵肆訖稅課多而漏河漕滯而增俵馬皆無用之肥鹽法爲有名之窟我

世祖章皇帝開闢中夏卽革三餉而兵馬一總於滿洲此非百姓之變更生者乎辛丑偶一加派旋卽報罷故二十年來稍見豐盈我聊城物價平賤丁口殷聚則官守之得其人也故當志官守人物亦較前朝震發者多人故當志人物其舊志闕遺者增而入之景行高山固爲後學定法程哉藝文有關風化無不備採於其後何公用心可謂勤矣且每聆其緒論無日不以卹民愛士爲

聊城縣志

序

六

念而有不得如所懷來者則時勢爲之其微指隱躍於斷論之間吾又感於漢書循吏傳矣康熙二年歲次癸卯秋八月朔吉少保兼太子太保大學士今養病邑人傅以漸謹題

舊志朱序

昔蕭相國入關中獨收秦丞相御史律令圖書藏之後漢高帝定天下皆取稽於此識者以爲知大體此非獨以具知天下阨塞戶口多少強弱民所疾苦而風俗之醇漓人物之臧否以及厯代章程因革損益通變宜民使前有所鑑而後有所陟卽以爲致治之權衡理天下

之大綱在是矣聊攝屬兗州域至春秋爲齊西鄙迫魯仲連射書聊城而名至今因之密邇鄒魯漸聖人之化雖世代遞變而彬彬文學風俗樸茂一洗功利誇詐之習至明爲東郡首邑英雋蔚起鴻儒卿相領袖人倫文學吏治砥行慕義之士亦各顯名振俗甲於屬邑至我清而文運大開名諫詞林連翩鵲起助流 聖化者指不勝屈乃稽邑志僅有二冊爲涇陽韓公重修今已七十餘年矣我 何父母西秦博物君子來莅聊土下車卽以修纂邑乘爲首務取籍而閱之知前之作者亦涇陽人也前後數十年若有同心乃取舊志已載者因

之未載者補之七十餘年之間父老之習見者已少而耳聞傳說多失其真公細訪博採參以輿論必得當而始爲信史蓋數月而始告厥成也余得而寓目流覽以爲於今長吏率精力耗於簿書奔走以覬當世取容博名聲而求速化尊官厚祿以爲光寵至風俗之醇漓窮簷之利弊以及人物之臧否則弁髦置之此其於安上治民移風易俗之道何如也公有得於致治之原而攷稽舊乘博參時務酌古準今以作信史者施於有政此豈俗吏之所能及也異日被 朝廷任使爲大僚庶長必能先急務以輔 皇猷久安長治實嘉賴之蕭相國

收律令圖書而以爲知大體余於公修邑乘亦云康熙
二年歲次癸卯中秋日工部尙書管吏部左侍郎事加
一級朱鼎延謹識

舊志任序

稽古志之大原起於爾雅如史稱馬遷書稱班固典稱
華嶠錄稱張勃第其中或浮於議論或略於事實未若
爾雅詳且備志之難言久矣 不佞 辛丑自長安以艱歸
諸凡未遑及越癸卯謹搜邑乘自我 朝定鼎以後未
經載言無從考質嘗撫心深思焉邑侯何公以愷悌君
子莅茲多有年所清和咸理政暇思聊城甲二東當孔

聊城縣志

序

八

道人文所窟宅冠蓋所輻輳 皇清以前往固彰矣而
來無所鏡不幾成闕典哉公慨然曰邑有故志訛紊亡
紀文獻曷徵乃博採籍傳洞窺今昔延文學數輩遍歷
巖谷咨訪父老質勘同異復詢薦紳先生罄所覩記一
一重加編輯爲若干卷起壬寅歷癸卯始告竣事 不佞

受而卒業上下數千百年洞若觀火矣遂序曰志圖說
提封百里闡澤欲流志封域勢壓齊魯天下之中志形
勝汶水滌紆獻秀逞奇志舊蹟流風興感懷古不忘志
陵墓佳氣蔚蔚想像儀型志風俗先進匪野純儉吾從
志城池王公設險保障居先志戶口百年累積編齒滋

蕃志田賦則壤有制版籍載清志徭役節以制度期於
休息志方物不產珍奇布帛菽粟志祀典禮陰禮陽期
格精禋志兵防慎固封守以備不虞志官師敢告在位
作士勤民志名宦流風善政須藉良吏志選舉經明行
修應運網羅志忠節忠肝天植大義夙敦志隱逸發潛
聞幽高樹懿矩志貞烈冰霜凜凜力挽頽波志恩錫報
隆所自華袞載褒志藝文陳詩觀風考古鏡今志利病
詰人明炳先事消弭凡此皆何公苦心編摩焜耀奕世
之大業也不佞更有申焉政莫大於經時教莫重於宏
化事莫準於稽古法莫要於宜民此安取衷哉孟子曰

君子反經而已矣明道術正人心人心正而學術明教
化行而習俗美是司牧者責也所借以風之者斯志之
功大矣是志也潤色舊編者什六剏起新觀者什四何
公沈毅淵邃好修稽古史才也其功當與志終始云若
夫邑縉紳士力贊規畫功咸可述茲難遍及康熙二年
歲次癸卯中秋日翰林院提督四譯館太常寺少卿任
克溥謹題

聊城縣志纂輯姓氏

主修

署聊城縣知縣進士豫咸

署聊城縣知縣舉人向植

署聊城縣知縣舉人姚鵬圖

代理聊城縣知縣監生韓作霖

代理聊城縣知縣監生丁其廉

聊城縣知縣監生陳慶蕃

協修

聊城縣教諭副貢劉慕周

聊城縣志

纂輯姓氏

聊城縣縣丞監生李寶元

聊城縣典史監生許緯

署聊城縣典史監生金念曾

總纂

高苑縣教諭拔貢舉人葉錫麟

續纂

莒州學正優貢靳維熙

分纂

益都縣教諭舉人范志泰

候選縣丞廩貢馬鎮

安徽候補縣丞附生葉直卿
續分纂

肥城縣訓導拔貢舉人周晉祺

知府銜拔貢朱正履

候選縣丞歲貢彭濬源

候選直隸州州判恩貢馬鴻俊

鴻臚寺序班增生葉允楨

候選訓導廩貢葉允濟

鴻臚寺序班增生孫世顯

分省試用州同孝廉方正周祖瀾

聊城縣志

纂輯姓氏

總校

升用知縣魚臺縣教諭廩貢周銓

候選直隸州州判拔貢傅淦

東阿縣訓導歲貢安寶蓉

分省補用直隸州恩貢傅斯僑

分校

候選巡檢顧信安

臨朐縣教諭舉人葉允平

臨朐縣訓導舉人余培乾

鴻臚寺序班附生孫世篤

候選訓導孝廉方正丁芳勳

直隸試用縣丞優貢侯桐封

鴻臚寺序班附生朱正坦

廩生劉克平

候選同知胡沛霑

四品封典黃世瀛

附生周啟人

世襲雲騎尉耿昌祐

附生宋維珍

增生王慶昌

聊城縣志

纂輯姓氏

三

歲貢葛用賓

州同銜王炳燦

候選巡檢何登洲

採訪

廩貢李秋山鹽大使銜朱正倬

監生王錫珍六品銜劉俊德

監生李鶴齡文生郭盛德

附生馬鳴珂監生楊典五

監生李雲龍監生修雨亭

監生李仲達典籍徐景霖

貢

生李占一

從

九何金台

監

生袁鳳池

監

生戰邦泰

介

賓孟廣爵

武

生孫煥斗

監

生李相亭

介

賓邵介

監

生張廷桐

貢

生任呈祥

監

生楊玉階

附

生苗鶴田

監

生張安然

附

生張泮芹

監

生馬在田

武

舉劉占鰲

文

生胡鳳鳴

附

貢

生孫汝敏

監

生張連貴

從

九陳汝和

聊城縣志

纂輯姓氏

四

廩

生張雲崢

監

生李方田

從

九宋繼清

附

生葛錦階

文

生田上棻

貢

生朱景桐

監

生朱廷林

監

生傅夢巖

監

生劉汝林

附

生宋文甲

耆

賓劉培基

文

生宋文瀚

文

童念寶慶

監

生王澤之

介

賓楊泰安

耆

賓陳鳳誥

監

生傅德階

耆

賓王思九

候選

從

九任又增

文

生杜青雲